



IV GOVERNO CONSTITUCIONAL  
SECRETARIA DE ESTADO DO CONSELHO DE MINISTROS

KOMUNIKADU IMPRENSA  
Sorumutuk Konsellu Ministrus loron 23 fulan Setembru tinan 2009

Ohin Kuarta-feira, loron 23 fulan Setembru tinan 2009, Konsellu Ministrus hala'ó sorumutuk iha Sala Sorumutuk Konsellu Ministrus nian, iha Palásiu Governu, iha Díli, no aprova tiha ona:

**1. Rezolusaun kona-ba Komisaun atu haree hikas fali Misaun Forsa Estabilizasaun Internasionál.**

Haree ba estabilizasaun seguransa iha Timor-Leste, iha tinan rua ikus ne'e nia laran, períodu ne'ebé fô atensaun mós kona-ba estabilidade sosiál no polítika efetiva, no hodi halo ita nia rain iha forsa seguransa no defeza ne'ebé iha kapasidade atu kumpre misaun ne'ebé fô ba sira, Governu decide atu nomeia Komisaun ida atu halo avaliasaun kona-ba nesidade atu kontinua mantein prezensa Forsa Estabilizasaun Nasionál, (ISF) iha território.

Estatutu ISF harii iha fulan Maiu tinan 2006, liu husi akordu ida, asinadu entre governu Timor-Leste no Austrália, hodi estabelese fali situasaun seguransa nasionál. Tuir akordu ida ne'e, forsa polisiál no militar hotu-hotu, nasionál no internasionál, sei xefia hosi komandu australianu.

Iha fulan Agostu tinan 2006, rezolusaun ida husi Konsellu Seguransa nasoens Unidas nian, mai revoga (hasai tiha) liafuan balu husi kordu ida ne'e, hodi fô mandatu ida ba UNMIT hodi halo restaurasaun no manutensaun ba orden públika iha Timor-Leste.

Iha Dezembru tinan 2006, Komandu Polísia, nasionál no internasionál, entrega tiha ba Nasoens Unindas hafoin halo tiha assinatura akordu ida ho UNMIT, hodi regula relasaun entre UNPOL no Estadu Timor-Leste.

Iha Janeiru tinan 2007, liu husi akordu trilaterál entre Timor-Leste, Austrália no Nasoens Unidas, rekoñese tiha katak, kbit polisiá nian ne'ebé fô ba sira, tuir akordu assinadu iha fulan Maiu tinan 2006 – labele aplika ona.

**Sekretaria Estadu Konsellu Ministrus  
Díli, Palásiu Governu  
Loron 23 fulan Setembru tinan 2009.**

Nune'e, haree kona-ba alterasaun Misaun ISF, Konstituisaun Repúblika Timor-Leste no desizaun foin lalais ne'e nian husi Konsellu Defeza no Seguransa, Governu, hatan ba desizaun Konsellu Superiór Seguransa, deside ona atu nomeia Komisaun ne'ebé sei haree fila fali Misaun ISF, iha Timor-Leste.

## **2. Dekretu-Lei ne'ebé aprova Orgánika Servisu Migrasaun**

Kriasaun Servisu Migrasaun – haketak hosi PNTL husi IV Governu Konstitusionál – reprezenta oportunidade ida atu dezenvolve organizasaun ida, orientada husi servisu profisionál sira ne'ebé iha kapasidade atu ezejuta meta hirak ne'ebé Governu define tiha ona, ba aktividade migrasaun.

Servisu Migrasaun iha responsabilidade jerál tuir termu lei Imigrasaun i Azilu, atu kontrola movimentu ema sira nian ne'ebé mak tama no sai husi país, hodi kontrola no monitoriza mós prezensa ema estranjeiru iha territóriu nasaun nia laran.

Dezenvolvimentu Lei Orgánika Servisu Migrasaun nian, hodi assegura atu servisu iha kondisaun organizasionál no lejislativa nesessária, atu hala'o jestaun migratória ida ne'ebé diak.

## **3. Dekretu-Lei ne'ebé aprova Estatutu Pesoál Servisu Migrasaun nian**

Servisu Migrasaun (SM), harii hanesan entidade ida ne'ebé ketak, dependente direktamente ba Membru Governu Responsável ba Área Migrasaun, no nia estatutu pesoál SM nian, tenke regula hosi ninia lejislasaun rasik.

Nune'e, implementasun ba Lei Orgánika Servisu Migrasaun, ezije atu harii karreira rejime esepesial ida (hodi fó konsiderasaun ba prinsípiu Lei no Regulamentu Funsau Públika nian) ne'ebé ajusta ba konteúdu funksionál no ba estrutura esepesifika SM nian.

## **4. Rezolusaun ne'ebé aprova Política Nasionál Kultura**

*“Koloka Kultura ba servisu afirmasaun Nasaun no Estadu timorensé”* nu'udar prioridade ne'ebé define tiha ona husi IV Governu Konstitusionál iha ninia programa ba períodu lejislativu entre tinan 2007 no 2012.

Prezervasaun no divulgasaun ba patrimóniu no valór kultural no artístiku Timor-Leste nian, prevee tiha ona iha polítika ida ne'e, liu husi konjuntu liña asaun ida, ne'ebé inklui kriasaun lejislasaun, apoiu ba programa investigasaun, edukasaun no formasaun, no edifikasaun infraestrutúra.

Nune'e Governu mak iha kompeténsia atu koordena no ezejuta polítika ne'ebé defini tiha ona, atu haree liu ba prezervasaun patrimóniu kultural, hodi promove mós apoiu ba asosisaun no atividade kultural, apoiu ba promosaun kona-ba fó sai informasaun ne'ebé

iha interese kulturál, iha suporte barak-barak, nune'e mós kolaborasaun ho entidade sira seluk ne'ebé iha atensaun liu ba knar ne'ebé relevante iha área kulturál.

Lei Órgánika Ministériu Edukasaun nian, prevee no define Biblioteca Nasionál hanesan Institutu Públiku ne'ebé atu harii, hodi asume responsabilidade kona-ba jestaun biblioteka no nível nasionál.